

沈乃文 主編

明別集叢刊 第二輯

第二十三冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第二十三冊

黃山書社



(明) 孫承恩 撰

孫文簡公讓溪草堂稿存四十八卷
(卷十三至卷四十八)

明孫克弘等刻本

孫文簡公瀼溪草堂稿卷之十三

五言古詩

夜聞鄰兒讀書

東鄰誰氏子讀書夜無眠風吹呶語聲落我床頭前
我聞不復寐俯仰心茫然憶昔髫髻時早能讀陳篇
嬉戲不自力流光若奔川及茲未聞道老大徒悄悄
儒冠亦何有虛生亦堪憐誓言今其始勉心乾乾
鑒井苟弗已終見清冷泉

雨中過顏東郊

陰霾蔽四野密雨紛如絲扁舟何所適野人有深期

孫文簡公集卷之三

二

我與良自佳僕夫苦淋漓壺觴雜釘餌草草隨所携
同行二三子聊與斟酌之樂事苦不全夙言每乖睽
有懷渺難招悵然起遐思

未方齊吳春洲有約不至

扁舟蕩雙楫溪澗穿窈窕雨行良不惡况得所歷妙
依依墟里烟落落展遐眺冥濛雲樹昏荏苒風竹掉
高桑布谷鳴遠渚鸛鶴叫時惟農事急無筮逮翁媼
小橋曲通村竹所期遙造不似山陰翁匆匆遽回棹

又

草堂極瀟灑水竹多幽深主人有好懷展席俯清吟
時花弄芳姿好鳥轉佳音薰風泛叢蘭飄飄滌煩襟

二子雙王立勸我酒重斟適意豈在酒我病况靡任
人生合并難晤語愜素心數觴已陶然一笑忘古今

又

密雨漸細微流雲散清霽斜陽漏微明返照在水渚
晚晴人意佳起步行繞砌話言雜桑麻朴野有真意
我性本丘壑早已厭塵事龍岡有宅兆桑梓情所係
何當乞身歸與子結鄰契

又

千林暝色起日落西山幻牛羊時下來歸鴉恋其巢
興盡復言旋短棹風飄飄犬吠叢薄間漁火明江郊

孫文簡公集卷之三

二

星月澹微茫煜然吐林梢喧喧市聲近擾擾物役勞
我生本無期一笑樂亦聊但能無拘牽何地非逍遙

獨酌

春風散和燠霧歛天日晴楊翹吐華滋萬彙爭熙明
幽居寡相接而况塵俗擾興來命壺觴獨向簷前傾
好花當姬侍鳥韻笛與箏悠然自滿引浩笑春冥冥
美人渺難期俗物吁可憎小山差強意獨立當前橫
舉杯一勸之與子兩忘形山靈不解飲傲睨終古醒
我酌還自酬直欲空瓶罌頽然徑醉卧雲月為枕屏

餉農過壠上

赤日正暉赫朝露晷以乾念我田中人胼胝多辛難
披衣過壠上不憚觸熱難醒風蕩炎氛草木俱焦顏
呼兒傾筐有酒兼有餐田父知我意感謝多欣歡
我今乃田畯自咲更自嘆無田均憐翁力薄非汝慳
佇立獨移時呼兒與俱還豈曰此爲勤吾意差少安

題松月卷

幽齋淡清夜長空歛浮烟素娥從何來宛宛落我前
髯翁矯而立顧影如矜妍相看本無期忘形更忘言
爲招山中相再酌騎鯨仙悠然對終夕不知清漏傳

示子效王川子

書齋坐清晝昧昧心弗怡阿松忽前來出扇乞我詩
阿松性沉嘿頗不喜施爲我疑乃盾魯但識栗與梨
今朝忽好事我喜爲解頤呼兒更來前听我好言詞
汝今十四歲非復髫髻兒讀書吾家事誨汝良孜孜
讀書添智慧讀書破愚痴讀書爲賢良讀書佩朝裾
汝前當七齡頭角頗岐嶷何更七年來碌碌但如斯
豈汝誠質魯變化猶有期抑汝故懶惰懶惰無由醫
人生要樹立詩書乃鎡基利達且莫言賦命固不齊
但觀不學人何別隸與廩學庸及語孟精義要深惟
尚書最難讀功當百倍之考事實今古摘文炳珠璣

今雖未能然爲學當視茲似汝恁陋劣萬難與毫釐
吾又念世德承傳汝當思吾宗百年來詩禮人共推
穆穆抑齋老賢官擁皋比汝祖雪岑公清名絕瑕疵
我雖勉繼述淺薄恒怙怙汝若不自立自汝隳門楣
汝觀東隣氏綽楔高巍巍有子不嗜學破敗共咲嗤
又觀西隣翁起家自茅茨有子立青雲里閭騰光輝
人生無愚智共識好與媿東西兩家子問汝當何居
光陰不我待日月相奔馳汝勿恃年小一去難再追
不信觀汝翁尚記髮垂垂轉眼亦幾何清霜點烏髭
少時不自力及此徒傷悲我家世清白囊橐無餘貲
幸存薄田畝猶可供粥糜亦有書滿架古訓光陸離
役使有童奴免使執爨炊古人貧亦學勞苦身無資
我今雖淡薄不令汝寒饑汝若更不學此咎當責誰
只今當長夏俗事無牽縻願汝務學業毋徒習遨嬉
切磋同阿哥和鳴協墳麓莫似汝父懶失學悔後時
願汝崇明德忠信以自治入則孝翁孃出則敬友師
莫似汝父癡愁尤日潛滋莫起侈泰念淡薄守家規
莫習輕薄態執禮須謙卑但觀世上人浮侈終自隳
我今已四十精力會有衰汝年漸長大將以門戶遺
男兒貴自強奮發不可遲翁孃雖汝憐豈得長提携

世事不可料前程香難窺賢不肖係人造物無容私
驥子始墮地骨相超等夷駕駘亦自別寧候異日知
如今亦稍稍我竊爲汝疑再看汝一齡便可分雄雌
恩義不相掩詆牘非爲慈汝不用吾言吾將汝鞭笞
告汝出苦語俯心轉歎歎勉哉不可忘一一鵲肝肝

示姪

剔盡莫剔深愛木木反戕責子莫責深愛子成乖張
阿桂吾猶子天資頗馴良况復汝年歲當亦知臭香
我心良念汝骨肉情故長誨汝刻骨言汝母視尋常
今已年十七已列大人行願汝猶童兒立志殊未當
昔我京師歸汝肩始齊床忽忽七年過今已似我長
我目多閱人英俊如雲翔弱冠富文學下筆鏗琳瑯
汝負讀書名蔑裂無一強汝腹自空虛汝貌徒昂臧
我每憶汝父九原杳茫茫死者不可作感我涕淚滂
食桃棄其核有子委路旁骨肉天性真有子焉得忘
昔汝父早歲多才文章亦復敏行誼有志馳四方
恨哉賦命薄未立輒已僵天道久必復或欲於爾償
我今誠念汝念汝須扶將有言不汝告如瞽行佹佹
戒汝莫嗜酒嗜酒志意荒戒汝莫遊俠敗家之斧戕
莫羨不義富金玉積滿箱爾目不知書馬牛而冠裳

莫羨不義貴炙手猶沸湯爾能富德業金紫來煌煌
阿桂听我言汝意得無傷汝今已解事諒我無別腸
古聞幾卿義我視猶新惶王基意則厚吾不爲汝望
但願汝卓立門戶得汝光汝若不自強伶俜辱爺娘
子賢子不肖嘉穀與莠稂爲穀與爲莠在汝自較量
人生亦多事門戶要勸勸我今漸潦倒期汝早激昂
我意良關縷筆舌難盡詳知汝省念無捫心但茫茫

題畫草

春風一披拂萬彙呈華滋寸草萌枯莖各復爭芳菲
大哉天地仁發育無偏私黃鍾鼓衆籥一元運其機
誰與爲此圖毫端吐春熙高者擢華風下者揚芳蕤
么麼彼何者蕭蕭亦翔飛分明太極意未許夫人知

雨後步園中

滂沱鳴中宵清朝散微旭黑雲變而霽雨意猶未足
小園偶信步襟抱豁煩燠濯我畦中蔬蕤蕤淨如沐
平原獨鶴下淺渚群鳬浴天風動疎篁鏗戛萬綠玉
端居翫衆妙幽賞極心目孤吟無與酬長嘯振林木

觀園丁除草

中國種嘉蔬地瘠蔬葉稀蔓草雜其間復爾纏綿之
六月盛炎暑亭午張赫曦園工力芟鋤根株俾無遺

造化普發育雨露無偏私去惡佑善良人事理則宜
蘭蕙生當門斬刈不得辭矧爾惡類繁不去將何爲

督園丁種蔬

懶拙寡生事與在田園中學圃非爲痴我與幾子同
種藝宜及時刻錫藉爾傭王政著月令在浹敷弗供
肉食豈可常淡薄儒家風何曾費萬錢自以遵厥古
小圃無寬畦連延亦橫縱與爾發育度由食倘可充

紀鳥

小園遠塵市水竹頗幽深上有枝柯稠下有灌莽深
有鳥名不識結果在其陰日夕動喙嚙啾啾多清音

《張子清全集卷之三

三

吾意憐此鳥不異籠中珍不敢語人知懼有兒童侵
野狸執告汝竊伏伺無人睢眦欲攀緣探巢恣噬吞
幸我適見之惻然爲驚奔急爲驅之去愛護意彌勤
黃口亦易長旬日毛羽新隨母共上下喧呼各欣欣
好生物我同並育天地仁及物豈吾力聊以慰此心

中庭植小花數種戲述

中庭小作砌種植紛葩園丁昔好事務自西隣家
汲水勤灌溉張席亦周遮經時土泥膏脍已抽萌芽
逮茲花葉稠紅白爛交加雖無姚魏富幽艷亦可嘉
豪門事珍玩田家重桑麻戲劇吾亦誣聊爲兒童誇

與友人草堂小酌

閑居寡晤語二妙喜過從倒屣竹徑間焚香草堂中
呼兒具鷄黍杯盤規勿勿所貴意味真豈在品物豐
雲陰暑氣微左右動涼風但恐日夕至不計樽罍空
話言及出屢惜我性乖傭人生貴自適顧蒙詎能同
酒酣起縱步銀蟾已生東長揖送二妙矯首冥飛鴻
觀群兒捕魚

秋來久無雨溪小落鈔乾茸茸聚衆魚煦沫猶自歡
群兒競逐不暇且綸竿舉手如拾塊相矜共誼謹
脫者能幾何鱗鬣半摧殘白小莫比數指沒泥水
老夫濠梁興悠然每凭欄戒兒勿盡取致爾口腹飽
生平耳目臨境外江湖寬安得從汝揖相忘渺濶瀾
送鍾君陞廣東金事

送君秋色裡歌我春雲篇春雲亦何爲變化玄黃間
昔君暑秋曹商律行秋權秋雲自蕭森摘伏催神奸
今君被寵命名藩職旬宣春雲乃油油着物盡成妍
爲霖澤枯株焦稿多生顏悠揚本無心舒卷道自全
從龍會非遙覆冒連八埏輪囷復氤氲作瑞歌幽年
使交發雲間

赫赫奉

王命迢遞絕域行茲當別故國促裝戒晨征時維八月秋雲物肅以清舟人理桂楫天風引長旌丈夫四方志意氣衝冠纓腰間雙鑊千虹霓吐晶英姻戚羅祖餞亦腹勤友生

天書照玉節願瞻英光崇豈知遠遊子莫釋內顧情高堂有慈闈素領霜雪明忠孝不自謀百年負深誠仰天嘿無言拊心但悽惻

錢塘

錢塘名都會山水多清妍層城填華屋巨棟相鈎連歌吹日無虛笙簫間絃絃通達接廣陌車騎何喧闐

孫文簡公集卷之三

九

我來屬清秋况值昇平年遊觀邦人士日醉湖堤邊維茲盛官僚地主多時賢喜予斯文契邂逅意亦虔名山古招提板造列芳筵登臨誠雅懷王事靡敢愆萬里方此始心旌日懸懸顧此簡書畏我行敢淹延

西湖

東南饒湖山開此佳麗境澄湖一萬頃倒影鏡光淨遠山翠屏紆近山晚妝靚神閣譚岩髡雲外發鍾磬畫船如畫屋搖蕩波不定美渠明的歷魚鳥樂飛泳林祠與岳墓瞻拜得所敬林祠竹梅疎岳墓松栢勁緬思南渡後文物亦云盛偷安湖山樂氣勢遂不脫

緬緬旋危夷狄豺虎橫茲惟堪逸遊未足擬形勝屬儲感興亡吊古發孤詠酒酣促歸駕日落烟水暝

虎跑寺

輶車任登登山徑繚而曲深窅得蘭若傑構聳岩谷林空號鼙鼙境僻走麋鹿寄迹亦偶爾一住且信宿禪房水榻淨石鼎妙香續跑泉虎已逝清冽猶可掬煮茗試酌之一洗腸胃俗蒼珉宛深刻坡翁有遺蹟詞翰兩絕妙光彩照林麓平生丘壑情苦彼

王事促山僧念遠行舉手向我祝是身浮雲然再至渺難卜勿勿出門去浩蕩看鴻鵠

孫文簡公集卷之三

一

羅刹江

江風吹征衣扁舟渡空闊曙色漸開朗遠岫橫一抹悠悠滄波去滄滄孤鳥沒中流擊簫鼓啞啞棹歌發夷猶蕩漁艇舉網魚潑潑帆檣亂高下來去若趨忽扣舷發清嘯客懷頗軒豁一杯酌胥神吊爾忠義骨山川渺天涯未可計日遠顧茲習暇豫瀟灑送日月無徒念前程坐使心慘怛

釣臺

發軔富春驛艤棹嚴陵灘緬懷隱士踪訪古登嚶巖我我釣臺高寂寂空江寒目曠塵襟開天遠浮雲間

惟子秉高節卓立超人寰紛紛仕進者視子莫敢班
出處各有道要在義所安矯激非中庸汨沒斯貪頑
王事有程期寸心劇飛翰登舟渺回首烟水空漫漫

草萍驛

山行忽終日日落風颼颼蒼然暝色起原野烟光浮
依稀見村落兒童逐歸牛山徑叢竹深鳥雀聲啾啾
萬物已偃息我行良未休驛吏走倉皇再拜候道周
顧之間前途爲予指林丘入門華燈列山醪獻新茗
空堂耿無寐百感不自由惺惺待明發起坐聽更籌

東鄉縣

廿里忽一村十里忽一郵行行歷重山長途邈悠悠
惟茲鄉土異山田已微收村墟頗蕭條深林叫鉤輻
況聞多寇盜逢人肆虔劉茲邑實鼎建劫掠始得休
陰雲黯然至林木深已幽大雨忽滂沱泥塗滿行輶
僕夫歎柴扉請此盍少留咄嗟行路難悵然增煩憂

南昌

今秋氣候異九月猶炎蒸客行苦馳驅弭節南昌城
茲邦實巨鎮人事相煩仍招邀荷地主踈慵怯承迎
思惟庚辰變叛逆干天刑兵戈苦騷屑殺戮何縱橫
我行經故墟鳴禽寂無聲慘淡來悲風酒帶戰血腥

壯哉孫與許英風凜猶生無由寄一奠淚洒江濤清

漳野鎮

解纜發洪都風順五兩輕烟波浩瀾漫極目如掌平
遙遙蕭灘驛望臨江城不知此何方但聞鷄犬聲
桅檣密如櫛水際何縱橫要津實四達商賈多所經
壯年遠遊賦浩蕩江湖情向來守堂戶矚促孤此生

螺川驛

江上晚來雨濛濛濕秋光螺川屈重九負此節序芳
登高若無緣回首思故鄉粲粲離下菊秋風爲誰香
故鄉日已遠愁緒日已長領海極天際前途杳茫茫
送僕從此回附書慰高堂扁舟忽不見引領空徬徨

十八灘

一灘橫我前一灘落我後巨石何礧礧拱向若迎候
大江日東馳勢若萬馬驟崩奔聲喧壓欲與萬石鬪
初疑坤輿翻又訝溟渤漏舟行稍弗戒頃刻不可救
呻吟篙師力默祈鬼神佑昔人訓垂堂王故敢自
咎

新城

南康南安之間居民築以禦盜

山行欲盡日得此原壤平樓櫓忽依然突兀橫孤城
入門市肆列鷄犬咸樂生費不藉公家版築以義成

茲城昔未有盜賊時憑凌茲城既云建禦暴得所憑
設險古有之要使良善寧修其貴不廢無忘始經營
千山橫紫翠夕陽映霞明前途尚未暮驅車且須行

梅嶺

鷄鳴事晨征秣馬走長路興夫雙足健峻嶒若飛度
梅嶺不見梅翻訝傳載誤惟餘萬松樹天矯入雲霧
駐節張相祠瞻拜想風度緘劄古洞幽白猿不可呼
平生說茲山險遠驚殊絕茲來望家鄉忽忽慘情懷
王事有驅馳筋力疲世故白雲意何極慷慨歌陟岵

平浦驛

度領浪自悲登舟情更歎山川頗清曠少慰行路難
浮烟散孤嶼旭日生晴嶺所喜瘴癘息寧計水滌乾
自南雄平浦路悠悠幾復幾離韶江計非遙漸聞
無水水漫漫聞韶州江始深故人從何來是日會吳舜弼報政海外還
附書不及詳匆匆報平安

韶陽

凌江一超忽日覺眼界新蒼村落稀青山多白雲
行行過韶陽蠻語漸不真承服中土異竹幘草可紉
始見戴竹帽者暄然秋冬交氣候如深春人行青嶺中鳥
啼榕樹陰韶樂久不作碑有韶石井南鳳鳥亦不開

吊古空如對前山已斜照

清溪驛

接浙復接浙

王事靡敢稽朝方辭赤水暮已宿清溪扁舟順流下
驟馬猶自遲雙榜劈浪花歡呼喜舟師亂灘不識名
巨石紛差差輕風助微瀾瞥過忽不知迢遞萬里道
客子多憂疑前途盡如然我行豈無涯

飛來寺

群山何糾紛遠望若無路舟行兩崖潤得此梵刹古
幽深白雲居窈窕清蓮守細徑索絕巖軒檻勢險
深林鎖寒烟時有猿嘯侶地勝欣所逢仰瞻久疑竊
登陟若未暇畧已得其趣須臾轉前山回首不知處

麻墟水

沅沅江波瀾黯黯毒霧吐舟行麻墟口川原見深阻
疊嶂千萬重賊穴難止數西武連閩蜀東應接具楚
居民與商舶劫掠莫敢禦無人向誰何况敢索征賦
我來值零雨寂寂無所觀竚立空嗟咨此獨非

王土

麟山驛

展征聞曉猿客子愁欲絕凄風響枯葦石壁掛缺月

古駟臨水涯隱蔽山萬疊麟山名空存豺虎日噬噬
嶺外甫決旬風景迴爾別佩刀猶不_{自此以南無}不佩刀者
時能命其製懷土心屢悲遠覽意頗豁媿無濟時術
猶有紀事札

蒼梧

扁舟謝逆浪泊此梧江潯孤城倚山顛下瞰江水深
茲惟百粵衝重鎮當喉襟轅門肅軍威殺氣常蕭森
重華不可吊四野雲陰陰水井泉尚活火山光已沉
夕霧無展霽瘴厲方侵活交南此半途行邁方自今
極目天南望望愁人心

鐵爐頂

舟行歷寒溪點點雲物暝昔聞鐵爐步今過鐵爐頂
鐵爐已無覩但見山水迴林木杳深黑巨石立四隅
百里無炊烟山徑人跡屏頗聞舟人言日者屢傳警
滑通崖壑下僕從面目冷畏途真險艱坐心惘惘

白馬堡

悠悠遠行邁道路日荊棘朝過白馬堡十二磯接跡
群山極深阻孤鬼時跳擲不知開關初何以恁匪寨
疊疊數十夫帶雨荷戈戟屯戍存空名緩急果何益
我欲極蒐羅盡使川谷滌恐此終不能回首長嘆息

相思洲

斷腸曾有峽漂神曾有灘如何此經行使我憂萬端
江濶風浪急逆上舟行艱况茲饒瘴厲雲水昏漫漫
故鄉渺何許身落千萬山不聞鄉土音惟見鳩舌蠻
王事苦未竣我行何時還感念少遊語悵鬱不可刪

斷藤峽

難東江水急一流忽旁分斷岸百尺餘儼若關兩門
人言茲峽中水勢常崩奔我來值冬日水退露石根
徑人負深阻巢穴蜂蟻屯前聞肆屠劫犬豕相信信
映旁少行舟過者歛精魂惴惴畏其出誰能問其
昔年韓襄毅曾茲建殊勛竭來幾何時江路復荊榛
煌煌東使節旌旗耀江雲萬里吾目中犬豕何足云

潯州

畏途何崎嶇落日江水黃舉頭見潯州孤城倚高崗
蕭條市衢靜莽莽離落荒山田廢不耕四野多豺狼
邊臣勞輯柔寇盜蔑紀綱感事增唏噓悄悄情內傷
兩岸擊刀斗竟夕嚴隄防喧聲不能寐起視明星光
瞳瞳曉色動山鳥鳴且翔揚舠復前征望望關山長
島嶼灘

洪波積浩蕩巨石何崢嶸虎相攫犖角立俱爭犂

雄為蛟龍翻洶作風雨聲濺沫為陰霏白日生晦冥
造化亦何意創此險不平誰觸巨靈怒倒捲天河傾
艱危客意阻摧頽壯心驚伏波有遺烈南有馬伏波廟吾行
當乞靈

火烟驛

舟經火烟驛而不見烟火山圍白日陰頽石立磊砢
江流劇湍急激射如箭射百丈勞挽卒頓曳如驚蹶
懸崖巧砌疊仰視畏欲墮下有羅薛封上有雲霧鎖
路險意彌切覽勝亦云頗會當乘長風一鼓中流柁

白沙

扁舟凌洪濤日暮弭雙楫沙淨白如粲鬼魅乍明滅
好事吳將軍恭將吳宗來迎邂逅尊酒設為言盜賊繁干戈

日騷屑

當寧推轂動閭外誰東鉞哀哉此生民川谷日流血
遠信苦未真是日得交南信客子腸百結酒酣看吳鉤激烈
雙耳熱金柝喧兩崖畫角韻嗚咽酒散復別去空江
浸明月

南寧

理緝雖云遠長途豈容盡山城忽前橫喜及朗寧郡
人烟頗稠集阡陌少荒頓鷄豚雜喧囂竹木閭清澗

長途多險艱愁緒日苦困此邦庶樂土一咲破孤悶
前征聞有陸召僕屢顧問久陰忽新晴天意與百順
脂車復秣馬欲發待明暖

千龍寨

山徑一何惡一嶺復一溪初言舟行苦陸走更險巖
晨發千龍寨飛隕馬行遲偃側欲無路草深與人齊
依稀見村落竹屋多傾欹野人驚使節駭走如鹿麋
陽春遍海宇窮谷猶有遺詠詢苦不悉向風長嗟咨

忠州

連山橫巨壑林木蒼烟重黃茆接天際一望不可窮

忠州暫弭節日落多凄風土酋服羣轡執禮殊敬恭

知州黃九保地僻山徑惡使節古不通自來上司無知迎甚謹

創行乃自茲訖訝驚老翁涉歷豈宿分窮荒寄行踪
平明登前途回首隔萬峯

太平

長原轉高崗徑路石磽確江流相迴環山勢亘綿絡
入城人跡稀白晝閉寂寞公館草樹荒飢鳥下庭啄
椎髻女郎醜短袵赤雙脚自此以南女始衣褲盡然扶携趨胡虛
白髮衰青箬陸行多豺虎水行多蛟鱉慘慘客子情
觸目風景惡

屏巖

左江山多峭壁惟此獨峻

層崖何嶽峇下瞰江水立斬絕數百仞隱約蔽白日
嵌空猿狖居黝黑大古色若非鬼工鑿定是神斧劈
江風吹蕭蕭江水波蕩潏扁舟經其下人細如蟻虱
壯遊茲行最歷覽難具述睥睨氣屈蟠凌跨神爽逸
村居不知名旁有村風物更蕭瑟奇觀不有此何以慰
悵鬱

鐙勒驛

連山忽崖斷蕭條見村墟古驛但有名籬落同民居
驛吏晚沙際顏色慘不舒自言為祿仕寄迹豺虎區

二系二簡公集卷之二十三

一九

乾坤有界限天角與地聯瘴厲日慘毒鬼妖日睢盱
使事豈不榮客懷日憂虞經行我猶然為爾增鬱紆

龍州

莽莽興地闊煌煌使星明我行歷山川南徼越萬程
遠人識天使上官知再拜江邊迎舍舟歷荒郊蕭蕭
征馬鳴旌旗何悠揚落日喧鼓鉦群觀空里聞雜水
兒童驚乾坤極覆載絕域俱

王氓旬宣古皇華淺薄媿弗勝平生乏夢想中夜心

靡寧 神京望不極矯首瞻青冥

發龍州

交南有事不果入

猶豫識每聞差池意徒勤炎荒一弭節忽忽越兩旬
交南已在即望望隔片雲天意限夷邦無緣被皇仁
翩翩返皇華言歸復茲晨重來或無期欲去還逡巡
行役豈不勞中止非我心使職自無狀仰首慚蒼旻

發蒼梧

悠悠客心驚冉冉歲華易春風吹天涯百草凄已碧
長江無勁鱗遠漢有倦翼萬里今此歸慰喜動顏色
樓船沸蕭鼓東道勞祖席持杯心已慵解纜翻不憚
騰焉念初至有友生死隔崇禮先十日辛鳥鳴喚其侶獸
鳴求其匹同來不同返惻愴涕沾臆

二系二簡公集卷之二十三

三

過梅嶺

歸途忽何鄉絕巘弭飛蓋梅關茲復登浩蕩豁眼界
峯巒出奇姿竹木露新態景物非有增自與人意會
山僧設茗供顧我喜健在瘴地已脫迹頗覺肝膽快
鄉心遂歸雲逸興軼塵壒矯首望故廬目極飛鳥外

賴江

昔從此路去今從此路回轉眼花石潭已失章貢臺
天公與便風知我又客懷船頭飛浪花噴激如嬰兒
江水淨如洗征衣絕纖埃惟有方寸富萬壑并千崖
曠然心神超咲口天與開嶺表憂寐中回首何悠哉

桐江

桐江水清駛送我仙槎還好山過無數再見嚴陵灘
山中羊裘翁咲我歷險艱試汲中流清一洗瘴癘顏
春風曉來急苔磯兩斑斑舟行爲滯留天意故少慳
故園喜漸邇春事將闌珊且作看山行滯留非所嘆
抵家

春風蕩白日晨鵲噪庭樹遊子領表歸歡咲喜僕御
我行昔中秋丹楓落江渚歸來易歲華冉冉柳飛絮
顏色漸老蒼急景不少駐人生苦難保骨肉喜歡聚
上堂拜慈親入室撫嬰孺浮榮何足言一咲解百慮

孫文簡公集卷之三

三

孫文簡公懷溪集

稿卷之十三

終

孫文簡公漢溪草堂稿卷之十四

五言古詩

東歸潞河舟中詠懷

朔風屆寒候，凍日照行色。遊子還故鄉，雲鴻整歸翼。
低回多慨嘆，寂寞少懽懽。還鄉豈不樂，撫事感今昔。
前年使南荒，瘴厲憂病疾。今年走燕薊，風霜忍寒栗。
飄飄萍蓬踪，萬里天南北。勞生苦馳驅，豈得頭不白。
行行出都門，悄悄抱悽惻。顧瞻五雲闕，萬感交併集。
上懷聖明主，端拱在密勿。憶昔臨御初，臣忝侍從。
職草茅兩封章，海嶽効壤滴。三年遠江湖，心在斧鑕側。
所憂萬幾煩，無乃近缺失。一陰當六陽，萌蘖已消匿。
日中不恒居，漸次見虧昃。邇來時事新，臣也所目擊。
嗟嗟是非辨，要在慎決擇。嵯峨九天高，無路達忠赤。
諫諍力匪任，悲嘆腕空搯。况今邊陲警，日夜馳羽檄。
強胡盛戎馬，近甸暗長戟。惟茲當嚴冬，殺氣浩充斥。
邊軍又疲弊，何能冒鋒鏑。矧是圖計虛，困廩數儲積。
頗聞兵家要，當先足芻食。士飽躍而嬉，馬飽騰于櫜。
似茲寡預備，何以支寇敵。吾皇念元元，當宁頻嘆息。
推轂遣重臣，急若拯焚溺。廟堂坐諸老，精白心一德。
豈無濟時略，爲國建長策。惟爾衆列侯，金玉爛。

輝赫時平竊恩榮，光寵被緘獲。無亦勉所圖，少竭報稱力。
詎應但安享，徒耳氣盈溢。乾坤際多事，臣子致命日。
惜也臣不武，莫與荷父歿。空懷漆室憂，竊抱杞人惑。
况今遠形庭山川，苦違隔以茲。懷區區憂慮，何能釋同袍。
數君子意氣雅，莫逆顧我多慰藉。錢送城東陌，據懷正諧洽。
分袂還倉卒，共言厚自愛。復道長相憶，嗟予乏曠懷。
當事易感激，念此友朋誼。怛怛轉憂怒，古言同心交。燕越猶一室，歲寒苟弗爽。
何必勤面覲，落日策蹇驢。遠水浮畫鷁，迢迢越川陸。歷歷過都邑，旅情轉蕭條。
鄉思頗增劇，故園三渺上。望望未能即，吾園頗宜人。地迴自幽寂，逶迤接郊垌。
蕭森帶泉石，虛齋足偃仰。平隴可登陟，鳴鳥聲上下。野竹陰蒙密，竹吾甚愛之。
昔也手親植，老梅臨水涯。踈影斜更直，素葩抱幽香。含笑待人索，嗟予幽遁志。
中歲遂成癖，且當息塵囂。聊適踈懶迹，董帷猶可下。顏樂終靡易，鳴琴白日靜。
讀易清夜闌，野老容問字。漁父許分席，玄化杳難知。世事靡終極，天傾五嶽峙。
我亦空慨慨，乾坤莽浩蕩。歲月不再得，惟慙百年內。碌碌靡稱述，明明日月光。
照我巾與舄，盈虛頗測究。義利亦分析，樂天惟聖優。乘運乃達識，稽首義皇占。履二